



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

21 JANUARI 2021

SENARAI AKHBAR	TAJUK
Utusan Malaysia	
Berita Harian	
Harian Metro	<ul style="list-style-type: none">• Tukar strategi berniaga
Kosmo	
Sinar Harian	<ul style="list-style-type: none">• Kepupusan kerang perlu ditangani segera
New Straits Times	
The Star	
Bernama	
Lain- Lain Akhbar	

Kepupusan kerang perlu ditangani segera



JUNHAIRI ALYASA

Kerang merupakan antara makanan yang menjadi kegemaran rakyat Malaysia tetapi kini ia sudah menjadi makanan untuk golongan kaya.

Ini kerana sejak beberapa tahun kebelakangan ini, harga kerang sudah melambung tinggi sehingga RM20 sekilogram berbanding harga pada 10 tahun lalu yang hanya dijual RM6 sekilogram.

Ada dua faktor yang menyebabkan harga kerang meningkat. Pertama, pencemaran dan kedua, kerana tangkapan berlebihan.

Sebenarnya, spesies kerang di Malaysia ini memang unik kerana pengawalan hidupan laut itu telah dilakukan sejak tahun 1960-an lagi. Selain spesies kerang darah yang banyak terdapat di negara ini, spesies yang turut dikawal ialah siput retak seribu atau popular dalam kalangan rakyat Malaysia sebagai lala.

Di bawah Peraturan-Peraturan Perikanan (Pemuliharaan dan Kultur Kerang), untuk menangkap hidupan itu perlu mendapat permit apabila sudah mencapai saiz yang dibenarkan iaitu empat milimeter.

Jika ada mana-mana pihak yang

melanggar peraturan, mereka yang terlibat boleh didenda sehingga RM20,000 atau penjara selama dua tahun atau kedua-duanya sekali.

Kerang di negara ini juga hanya boleh didapati di sekitar kawasan pantai berlumpur di Pulau Pinang, Perak, Selangor dan Johor. Spesies ini akan membiak pada musim-musim tertentu.

Disebabkan permintaan kerang yang begitu tinggi dan mahal pada ketika ini menyebabkan kes-kes kecurian benih kerang semakin menjadi-jadi.

Menurut sumber, ada pihak tertentu telah mengupah orang untuk mencuri benih kerang sebelum ia dijual dan dibiakkan di kebun-kebun kerang.

Ada juga dakwaan yang mengatakan benih kerang yang dicuri itu diseludup ke Thailand untuk dibiakkan di negara tersebut sebelum dijual kembali ke Malaysia.

Difahamkan harga bagi benih-benih kerang boleh mencecah sehingga RM750 seguni.

Menurut satu laporan, jumlah pendaratan kerang yang dilaporkan cukup membimbangkan. Bermula pada tahun 2010 hingga 2016 mencatatkan penurunan amat tinggi iaitu sebanyak 80 peratus.

Di Perak, kemerosotannya mendadak kepada 7,000 tan metrik saja berbanding 70,000 tan metrik pendaratan kerang pernah direkodkan pada tahun 1995.

Di Pulau Pinang, kesannya juga ketara apabila pada tahun 2016 jumlah pendaratan tidak sampai 2,000

tan metrik berbanding 16,000 tan metrik pada 1996.

Jabatan Perikanan meramalkan kerang boleh pupus di negara ini jika langkah untuk mengawal kepupusan hidupan itu tidak dilakukan segera.

Sudah tentu kita semua tidak mahu kehilangan khazanah alam unik negara.

Tiga minggu lepas, *Sinar Harian* ada melaporkan pengusaha kerang dan penduduk setempat di Sekincan mengeluh berikutan kegiatan mencuri benih kerang semakin berleluasa di kawasan sekitar pesisir Pantai Sungai Leman.

Mereka mendakwa terdapat lebih 70 bot roto dikesan mengambil kerang secara haram di kawasan perairan itu dalam sesuatu masa.

Lebih membimbangkan kegiatan mengambil benih kerang itu dilakukan dengan menggunakan bot roto yang boleh mengakibatkan kemusnahan sumber laut lain.

Penggunaan bot roto membolehkan enjin bot melalui dasar tanah dan lumpur yang mengakibatkan kemusnahan habitat cengkerang lain seperti mentarang, kijang, lala, kupang dan siput.

Isu yang dibangkitkan rakyat ini bukan baharu sebaliknya sudah kerap disuarakan sehingga ada yang membuat tuduhan terhadap pihak berkuasa. Kita juga faham tentang kesukaran untuk bertindak terhadap kes-kes kecurian benih kerang ini.

Mungkin kita boleh cadangkan kepada pihak berkuasa, jika ada mana-mana pihak yang berani tampil dan membuat laporan, mereka boleh diberikan ganjaran yang lumayan.

* Junhairi Alyasa ialah Penolong Pengarang Pengisian Berita Sinar Harian

Oleh Zulfary Zulkifli
am@hmetro.com.my

Alor Setar

Tukar strategi berniaga

Nelayan jual hasil tangkapan melalui penghantaran rumah ke rumah ketika PKP

Sebahagian besar nelayan di sekitar pelantar Kampung Seberang Kota, Kuala Kedah di sini, menukar strategi perniagaan dengan menjual hasil tangkapan menerusi penghantaran dari rumah ke rumah sepanjang Perintah Kawalan Pergerakan (PKP) Jumaat ini.

Nelayan, Japarudin Jaafar, 52, berkata, pengalaman ketika PKP Mac lalu membolehkan mereka lebih bersedia mencari sumber pendapatan disebabkan pergerakan terhad.

Beliau berkata, nelayan boleh meneruskan aktiviti me-

angkap ikan seperti biasa, namun sebahagiannya dijual melalui peniaga di pelantar itu dan bulunya dijual menerusi penghantaran ke rumah.

"Kami turun ke laut seperti biasa seawal jam 5.30 pagi setiap hari dan akan pulang ke sini sobald tangkapan diperolehi."

"Kalau ada peraih nak beli, kita jual terus dan kalau ada ikan tak habis serta susah nak jual, kita akan hantar mengikut tempahan tapi dikenakan caj mengikut kawasan kerana masa PKP, rantai yang tak boleh keluar ru-

mah," katanya ditemui di pelantar ikan Kampung Seberang Kota, di sini, semalam.

Japarudin berkata, ketika PKP tahun lalu kebanyakan hasil nelayan yang tidak dapat dijual diserahkan kepada Persatuan Nelayan Kawasan (PNK) Kuala Kedah untuk membantu.

Namun, katanya, untuk kali ini, nelayan akan cuba menjual dengan kaedah sendiri kerana PKP hanya dua minggu sehingga 4 Februari ini.

"Tangkapan diperolehi setiap hari ada yang dapat 200



"Kalau ada peraih nak beli, kita jual terus dan kalau ada ikan tak habis serta susah nak jual, kita akan hantar mengikut tempahan tapi dikenakan caj mengikut kawasan"

Japarudin Jaafar

hingga 800 kilogram untuk sebuah bot, tapi pembelinya mungkin berkurang.

"Peraih dari luar Kedah juga ada datang ke sini untuk membeli dan kami seminggu, kadang-kadang empat ran atau liras ran pelbagai jenis tangkapan ikan sebab mereka datang dengan lori," katanya.

Japarudin berkata, kira-kira 100 bot beroperasi menangkap ikan di pelantar Seberang Kota dan jumlah itu tidak termasuk di kawasan lain atau kawasan berhampiran Kuala Kedah.

Katanya, kalau ada permintaan, pihaknya akan membungkus ikan bergantung tempahan pelanggan dan menghantarnya selepas jam 12 tengah hari.

Peniaga ikan, Khadijah Md Shah, 46, berkata, harga ikan juga masih meningkat bergantung jenis saiz antara RM8 hingga RM12 sekilogram.

Katanya, kebanyakan perniagaan ikan di pelantar itu tidak beroperasi namun bersedia menjual ikan secara dalam talian atau penghantaran dari rumah ke rumah.